

PELAN PERLINDUNGAN PEMBELIAN KAD UOB LADY'S SOLITAIRE

(POLISI UTAMA OIGUB001041/16)

Terma Persetujuan Insurans

1. United Overseas Bank (Malaysia) Bhd (271809-K) setelah memohon Liberty Insurance Berhad (16688-K) terdahulu dikenali sebagai Uni.Asia General Insurance Berhad (seterusnya dirujuk sebagai "LIB") dan setelah membayar atau bersetuju untuk membayar premium sebagai pertimbangan untuk insurans ini, bersetuju dengan LIB bahawa semua maklumat yang diberi, samada dalam permohonan atau borang cadangan atau dalam cara lain akan menjadi dasar polisi ini.
2. Ahli Kad yang layak untuk menikmati perkhidmatan ini adalah ditentukan sebagai Ahli Kad United Overseas Bank Lady's Solitaire World Card.
3. Yang berikut tidak akan layak untuk Promosi ini:-
 - i. Ahli Kad yang akaun(-akaun)nya telah ditamatkan, digantung atau dibatalkan dalam Tempoh Promosi;
 - ii. Semua Ahli Kad Kredit dan Debit UOBM yang lain yang tidak mempunyai Kad UOB Lady's.
 - iii. Sebarang akaun-akaun UOBM yang bermasalah atau dengan tatakelakuan yang tidak memuaskan sebagaimana yang ditentukan oleh UOBM mengikut budi-bicara mutlaknya.
 - iv. Mereka yang tidak siuan, meninggal dunia, bankrap atau mempunyai sebarang kes guaman terhadapnya.

SEKSYEN 1 - PERLINDUNGAN

1.0 Lingkungan Perlindungan

LIB Malaysia akan menanggung rugi Orang yang Menerima Perlindungan atas sebarang Barangan Persendirian yang dibeli dari mana-mana jikalau Kehilangan berlaku di dalam:

- a) 30 hari dari tarikh pembelian
- b) b 30 hari dari tarikh penghantaran dalam Program Barangan, hanya kalau kos pembelian dicajkan ke akaun Kad Pembayaran Orang yang Menerima Perlindungan.

Jika terdapat sebarang Kehilangan yang dilingkungi dalam polisi ini, LIB Malaysia berhak memilih samada untuk membaiki, mengembalikan atau mengganti Barangan Persendirian yang hilang atau rosak (samada keseluruhan atau sebahagian)

2.0 Tolakan

Tolakan adalah 50% daripada amaun kehilangan.

3.0 Had-had

- a) LIB Malaysia tidak akan bertanggungjawab atas amaun yang lebih daripada harga pembelian Barangan Persendirian yang direkod di dalam borang caj Kad Pembayaran, atau had yang ternyata di dalam jadual dibawah, yang mana lebih rendah.
- b) Jikalau Barangan Persendirian dibeli dengan hanya sebahagian pembayaran tersebut menggunakan Kad Pembayaran, had tanggungan LIB Malaysia akan di pro-rata atas kadar peratusan pembayaran bahagian dengan harga pembelian penuh.

- c) Untuk Barangan Persendirian yang dibeli menerusi skim ansuran Kad Pembayaran yang mana pembayaran ansuran yang dibenarkan, had tanggungan LIB Malaysia tidak akan melebihi harga penuh dan ganti rugi akan tertakluk kepada penyelesaian pembayaran penuh harga pembelian oleh Orang yang Menerima Perlindungan.

KAD	HAD LINDUNGAN (RM)	
	Sebarang Satu Kejadian	Had Agregat
Kad Premium	30,000	50,000

4.0 Peruntukan Istimewa

Jikalau di dalam sebarang masa tuntutan yang timbul dalam polisi ini, terdapat perlindungan insurans lain yang sah dan boleh dituntut, melindungi sebahagian atau keseluruhan kehilangan yang sama, polisi ini hanya tertakluk kepada jumlah kehilangan terlebih yang tidak diperolehi dalam gantirugi insurans yang lain tersebut.

SEKSYEN 2 - DEFINISI

Kemalangan

Hendaklah bermaksud satu kejadian luaran ganas, yang tidak dikawal, tidak disengajakan, tidak dijangka, luar biasa dan khusus yang berlaku secara sendiri, bebas daripada apa-apa sebab lain.

Manfaat

Satu kelayakan kewangan kepada Orang yang Menerima Perlindungan mengikut terma dan syarat polisi insurans ini.

Serangan Jenayah

Hendaklah bermaksud kehilangan Barangan Persendirian akibat kemasukan atau keluaran dari premis secara paksa yang ganas atau dilakukan oleh orang-orang tersembunyi secara feloni dimana terletaknya Barangan Persendirian.

Tarikh Kehilangan

Adalah tarikh dimana Kemalangan dan/atau Kecurian, Pecah Masuk, Rompakan atau Penculikan terjadi.

Tarikh Berkuatkuasa

Hendaklah bermaksud tarikh dari mana perlindungan insurans dalam Polisi Utama ini bermula berkuatkuasa sebagaimana yang dinyatakan dalam jadual Polisi Utama ini.

Yang Diinsuranskan

Hendaklah merujuk kepada United Overseas Bank Malaysia Berhad (271809-K)

Orang yang Menerima Perlindungan

Hendaklah bermaksud Ahli Kad Pembayaran kepada siapa perlindungan disediakan dalam polisi ini.

Kehilangan

Hendaklah bermaksud:

- (i) Kerosakan Barangan Persendirian akibat kemalangan
- (ii) Kehilangan atau kerosakan kepada Barangan Persendirian akibat Kecurian, Pecah Masuk, Rompakan atau Penculikan.

Polisi Utama

Hendaklah bermaksud polisi insurans ini antara Yang Diinsuranskan dan LIB Malaysia.

Program Barangan

Hendaklah merujuk kepada Barangan Persendirian yang dibeli secara online atau menerusi order mel dan/atau katalog yang mana Barangan Persendirian yang dibeli dihantar terus ke alamat tempat tinggal Orang yang Menerima Perlindungan.

Kejadian

Hendaklah bermaksud suatu kejadian yang mengakibatkan Kehilangan Barangan Persendirian.

Kad Pembayaran

Hendaklah bermaksud kad sah yang diisu oleh Yang Diinsuranskan kepada Orang yang Menerima Perlindungan untuk membuat pembayaran atas pembelian persendirian.

Tempoh yang Diinsuranskan/Tempoh Polisi

Hendaklah bermaksud tempoh insurans dimana Orang yang Menerima Perlindungan akan ditawarkan untuk mendapatkan perlindungan (dalam terma-terma, syarat-syarat dan pengecualian-pengecualian yang ditentukan dalam polisi ini) dan mana yang telah dibenarkan oleh LIB Malaysia untuk mendapat perlindungan insurans, dan pertimbangan atas premium yang telah dibayar oleh Yang Diinsuranskan, dan diterima sepenuhnya oleh LIB Malaysia.

Barangan Persendirian

Hendaklah bermaksud sesebuah barangan persendirian Orang yang Menerima Perlindungan termasuk tetapi tidak terhad kepada barangan peribadi seperti kasut / pakaian / beg tangan / tali pinggang dan sebagainya serta barangan bernilai peribadi seperti pemetik api / jam tangan / kamera / kamera video / telefon bimbit / komputer bimbit dan yang lain sepertinya, juga barangan isi rumah, hasil seni dan kristal, harga penuh atau sebahagian dari kos yang telah dicajkan kepada Kad Pembayaran tidak menjadi barangan yang dikecualikan dalam Polisi ini.

Jadual Polisi

Bermaksud jadual yang memberi maklumat Yang Diinsuranskan, Orang yang Menerima Perlindungan, Tempoh Polisi, risiko, Manfaat Perlindungan dan fasal-fasal dan/atau pengesahan yang berkenaan.

Pengangkutan Awam

Hendaklah bermaksud mana-mana penerbangan berjadual, atau mana-mana kenderaan darat atau air yang dilesenkan dengan cara yang sepatutnya untuk mengangkut penumpang-penumpang yang membayar tambang.

Rompakan & Penculikan

Bermaksud Kehilangan Barangan Persendirian Orang yang Menerima Perlindungan akibat serangan atau keganasan atau ancaman darinya.

Kecurian

Bermaksud sebarang kelakuan mencuri atau percubaan untuk mengancam termasuk kecurian ragut atau pencopet tetapi tidak termasuk Pecah Masuk, Rompakan serta Penculikan.

SEKSYEN 3 - PENGEQUALIAN ISTIMEWA**1.0 Barangan yang dikecualikan**

Perlindungan tidak dilanjutkan kepada yang berikut:

- a) barangan yang telah diinsuranskan dalam polisi insurans yang lain melainkan kalau perlindungannya tidak dilanjutkan ke atas Kehilangan tersebut.
- b) barangan yang telah dilindungi oleh jaminan atau warranti melainkan kalau Kehilangan tidak dilindungi;
- c) barangan yang dilindungi dalam suatu polisi yang lebih sesuai/spesifik;
- d) barangan boleh-habis serta tidak tahan lama;
- e) barang-barang seni, lukisan, antik, senjata api serta barangan untuk koleksi;
- f) barangan bulu, barang kemas, intan permata serta barangan yang dibuat daripada atau mengandungi emas (atau logam berharga dan/atau batu berharga);
- g) barangan yang pernah disewa oleh Orang yang Menerima Perlindungan;
- h) barangan yang dibeli oleh Orang yang Menerima Perlindungan secara online tetapi belum dibawah pemilikan Orang yang Menerima Perlindungan;
- i) kenderaan bermotor, motosikal atau motornya, kelengkapan serta aksesori (termasuk peranti komunikasi untuk kegunaan kenderaan) samada disambung kepada kenderaan, basikal, bot marin, kapal terbang, model kapal terbang serta bot-bot;
- j) barangan niaga atau barangan yang dibeli untuk kegunaan perniagaan;
- k) wang tunai, nota bank serta wang kertas, cek-cek, cek-cek pengembara, kiriman wang, kiriman pos, setem pos, sekuriti, instrumen boleh niaga, bulion, syiling berharga, sebarang dokumen atau tiket, batu berharga yang tidak digunakan;
- l) ternakan, binatang peliharaan, binatang, tumbuh-tumbuhan serta makhluk hidup yang lain.

2.0 Sebab Pengecualian

LIB Malaysia tidak akan bertanggungjawab atas Kehilangan yang disebabkan oleh:

- a) pemberhentian mekanikal, elektrik atau elektronik, lonjakan kuasa, kegelapan keseluruhan atau sebahagian, kegagalan perisian, data, telekomunikasi atau satelit;
- b) kecurian dari kenderaan yang tidak dijaga;
- c) kerosakan atau goresan, penguncupan, lekukan, gesekan, kemerosotan, penyusutan, perubahan, pemeliharaan, sebarang proses pencucian atau pengeringan, pembaikan, renovasi, pemutihan, pencelupan, pemulihan serta servis;
- d) kebocoran, penurunan berat, penguncupan, sejatan, kebonjolan, lengkokan, pencemaran, serangga atau haiwan perosak, kecacatan yang wujud ataupun haus dan lusuh sebab penggunaan (seperti tetapi tidak terhad kepada alat sukan dan rekreasi), mutu kerja atau rekaan yang tidak baik, kehausan dan kelusuhan, pengaratan, hakisan, lumut, keadaan cuaca serta atmosfera (meliputi angin, hujan, hujan batu, salji dan salji beku) dan lain-lain sebab operasi beransur-ansur;
- e) kelambatan, penyitaan, perampasan, pemusnahan, tuntutan, penahanan atau tahanan oleh Kastam atau Kerajaan atau Pihak Berkuasa Awam atau rasmi;
- f) perbuatan penipuan atau disengajakan oleh Orang yang Menerima Perlindungan atau wakilnya, atau sesiapa yang tinggal di dalam rumah tangga yang sama atau kepada siapa Barangan Persendirian telah diamanahkannya;
- g) kehilangan misteri atau kehilangan tiada sebab dimana ia tidak dapat dibuktikan yang Kecurian/Pecah Masuk/Rompakan/Penculikan telah berlaku;
- h) transit udara, kapal-kapal, keretapi atau kenderaan, atau mana-mana Pengangkutan Awam melainkan kalau Barangan Persendirian adalah di dalam pegangan fizikal Orang yang Menerima Perlindungan di masa Kehilangan;
- i) barangan-barangan Orang yang Menerima Perlindungan yang tidak dijaga yang boleh diakses oleh orang awam;
- j) sebarang Barangan Persendirian yang mana bank Orang yang Menerima Perlindungan telah dimaklumkan mengenai pertikaian ke atas caj pembelian Barangan Persendirian dibawah Kad Pembayaran Orang yang Menerima Perlindungan.

3.0 Pengecualian Am

LIB Malaysia tidak akan bertanggungjawab ke atas Kehilangan yang disebabkan oleh:

- a) apa-apa tindakan perang, penaklukan, tindakan musuh asing, permusuhan atau operasi berbentuk perang (sama ada perang diisytiharkan atau tidak) pemberontakan, perang saudara, penentangan, revolusi, pemberontakan, konspirasi, ketenteraan atau perampasan kuasa, undang-undang darurat;
- b) radiasi ion, tindak balas nuklear, radiasi nuklear atau pencemaran radioaktif;

- c) rusuhan serta kekecohan awam;
- d) sebarang perbuatan keganasan;

Untuk sebab ini, sebarang perbuatan keganasan bermaksud sesuatu perbuatan, termasuk tetapi tidak terhad kepada kegunaan kekerasan atau keganasan untuk/atau mengancam, sesiapa individu atau kumpulan, samada secara perseorangan atau mewakili atau melibatkan sesebuah organisasi atau kerajaan, dilakukan untuk tujuan politik, agama, ideologi atau sebab-sebab yang sama termasuk niat untuk mempengaruhi manamana kerajaan dan/atau menakutkan mana-mana sektor awam atau masyarakat awam.

Pengecualian ini mengecualikan kehilangan, kerosakan, kematian, kecederaan, kesakitan, kos dan perbelanjaan dalam apa jua bentuk disebabkan secara langsung atau tidak langsung, dihasilkan dari atau mempunyai sebarang kaitan dengan tindakan untuk mengawal, mencegah, membenam atau dalam apa-apa cara yang dikaitkan dengan perbuatan keganasan;

- e) pengurangan nilai atau kehilangan kegunaan Barangan Persendirian Orang yang Menerima Perlindungan atau kerugian turutan dalam apa jua bentuk;
- f) LIB tidak akan dianggap melindungi dan LIB tidak akan bertanggungjawab untuk membayar sebarang tuntutan atau memberi sebarang manfaat sehingga peruntukan untuk perlindungan ini, bayaran untuk tuntutan serta peruntukan manfaat sebegini akan mendedahkan LIB, syarikat induknya atau entiti kawalan muktamad kepada sebarang sekatan, larangan atau batasan dibawah resolusi United Nations atau sekatan ekonomi atau dagangan, undang-undang atau peraturan European Union atau Amerika Syarikat.
- g) penipuan, salah nyata yang dibuat oleh Orang yang Menerima Perlindungan berkenaan dengan Kad Pembayaran dan/atau polisi ini.

SEKSYEN 4 – KEADAAN ISTIMEWA

1. Orang yang Menerima Perlindungan akan mengambil semua langkah berjaga-jaga untuk memastikan keselamatan Barangan Persendiriannya.

SEKSYEN 5 – KEADAAN TUNTUTAN ISTIMEWA

1. Jika berlaku kejadian di mana mungkin berlaku tuntutan di bawah polisi ini, Orang yang Menerima Perlindungan akan pada masa yang secepat mungkin, tetapi tidak lebih daripada 30 hari selepas berlaku kejadian tersebut (kecuali kalau terdapat keadaan yang tidak terduga), memberi notis kepada LIB Malaysia dan akan memberi semua maklumat dan bukti yang diwajibkan olehnya dan akan mengambil langkah-langkah untuk mengurangkan Kehilangan.
2. Semua maklumat dan bukti yang diperlukan oleh LIB Malaysia akan disediakan oleh Orang yang Menerima Perlindungan dan akan berada dalam keadaan dan cara yang ditetapkan oleh LIB Malaysia. Orang yang Menerima Perlindungan akan mengikut semua tindakan dan perkara yang ditetapkan secara munasabah oleh LIB Malaysia.
3. Orang yang Menerima Perlindungan akan memaklumkan pihak polis serta-merta jika berlaku kehilangan Barangan Persendirian (walau apa jua sebab) dan mendapatkan laporan polis.

4. Orang yang Menerima Perlindungan akan mengisi borang tuntutan dan mengemukakan kepada LIB Malaysia secepat yang mungkin bersama dokumen-dokumen yang berikut:-
 - a. Laporan Polis (untuk kehilangan Barangan Persendirian atau kerosakan akibat daripada berlakunya Kecurian, Pecah Masuk dan/atau Rompakan & Penculikan);
 - b. Invois/resit jualan atau salinan slip jualan/penyata bil;
 - c. Gambar Barangan Persendirian yang rosak;
 - d. Barangan Persendirian yang rosak, jika perlu, di bawah tanggungan Orang yang Menerima Perlindungan.
5. Bukti Kehilangan bertulis mesti diberi kepada LIB Malaysia dalam masa 90 hari dari Tarikh Kehilangan. Kegagalan untuk mengemukakan bukti ini dalam masa yang ditetapkan tidak akan membatalkan atau mengurangkan penebusan jika ia tidak mungkin untuk memberi bukti dalam masa yang ditetapkan tetapi bukti sebegini telah disediakan secepat yang mungkin dan melainkan kecuali ketiadaan kapasiti undang-undang, 1 tahun lebih lewat dari Tarikh Kehilangan.
6. LIB Malaysia boleh mengikut budi bicara mutlaknya untuk mengembalikan, memperbaiki atau menggantikan Barangan Persendirian jika perlu. Pada masa jumlah kerugian diselesaikan, apa-apa yang ditinggalkan akan menjadi harta mutlak LIB Malaysia yang boleh dilupuskan kalau bersesuaian dan untuk manfaat sendirinya. Orang yang Menerima Perlindungan tidak akan meninggalkan Barangan Persendirian kepada LIB Malaysia kecuali kalau dengan kebenaran bertulis dari LIB Malaysia.
7. Jika berlaku tuntutan di bawah polisi ini, LIB Malaysia boleh pada bila-bila masa menggunakan cara yang sah di sisi undang-undang di atas namanya atau nama Orang yang Menerima Perlindungan untuk mendapatkan balik Barangan Persendirian atau untuk mendapatkan pampasan untuk sebarang kehilangan atau kerosakan and Orang yang Menerima Perlindungan atau wakilnya dan akan memberi semua maklumat dan bantuan untuk tujuan tersebut.
8. Jika berlaku tuntutan penipuan ini atau berdasarkan penipuan untuk mendapatkan bayaran Manfaat di bawah polisi ini, kelakuan seperti ini akan menjadikan semua insurans yang diberi oleh LIB Malaysia batal dan tidak sah untuk Orang yang Menerima Perlindungan tanpa prejudis kepada pengesahan Kad Bayaran.
9. Di mana terdapat Barangan Persendirian yang terdiri daripada barang yang datang sebagai sepasang atau set, LIB Malaysia tidak akan menanggung liabiliti untuk membayar lebih daripada nilai sebahagiannya yang mungkin hilang atau rosak tanpa rujukan kepada nilai istimewa di mana barang atau barang-barang mungkin bernilai dalam keadaan sepasang atau set dan tidak melebihi nilai yang berkadar dengan nilai sepasang atau set.
10. Manfaat Tidak Tertuntut akan dibayar untuk sebarang tuntutan yang difailkan kepada LIB Malaysia lebih daripada 1 tahun dari Tarikh Kehilangan.

SEKSYEN 6 – PERUNTUKAN POLISI AM

PERUBAHAN KONTRAK MENYELURUH DALAM POLISI

Polisi ini meliputi endorsmen dan kertas lampiran, jika ada, dan mengandungi kontrak insurans yang menyeluruh.

PINDAAN

LIB Malaysia mempunyai hak untuk meminda terma dan peruntukan polisi ini dan polisi ini boleh pada bila-bila masa dipinda dan diubah melalui perjanjian bertulis antara LIB Malaysia dengan Yang Diinsuranskan. Mana-mana pindaan kepada Polisi ini hendaklah mengikat ke atas semua Orang yang Menerima Perlindungan, samada beliau merupakan Ahli Kad sedia ada atau Ahli Kad baru. Pindaan dalam polisi ini tidaklah sah melainkan diluluskan oleh wakil LIB Malaysia yang diberikuasa dan kelulusan sedemikian diendorskan di dalam kontrak ini.

MATAWANG PEMBAYARAN

Semua amaun yang dibayar kepada atau untuk LIB Malaysia hendaklah didalam Ringgit Malaysia.

PREMIUM

Bayaran premium yang terhutang kepada LIB Malaysia untuk perlindungan dibawah polisi ini akan dinyatakan didalam Jadual Polisi Utama. Bayaran premium yang pertama akan dibayar kepada LIB Malaysia untuk Yang diinsuranskan pada atau selepas Tarikh Efektif. Tiada tuntutan dibawah Polisi Utama akan diterima tatkala premium tahunan atau sebahagian daripadanya tertunggak pada masa tuntutan dibuat.

HAK PEMERIKSAAN

LIB Malaysia mempunyai hak untuk memeriksa semua buku dan rekod Yang Diinsuranskan, yang berkenaan dengan insurans ini pada bila-bila masa dalam Tempoh Insurans dan diantara 2 tahun selepas pemberhentian polisi ini atau sehingga pembayaran terakhir semua tuntutan tersebut, yang mana lebih lewat.

PENERIMAAN

LIB Malaysia tidak akan terikat dengan apa-apa notis atau apa-apa cagaran amanah, suatu lien, penyerahan hak atau apa-apa urusan lain dengan polisi tersebut. Penerimaan apa-apa pampasan yang boleh dibayar dalam kontrak ini oleh Orang Yang Menerima Perlindungan hendaklah dalam semua kes melepaskan liabiliti LIB Malaysia dengan efektif.

HAK PEMUNYAAN

Orang Yang Menerima Perlindungan hendaklah mempunyai hak untuk melaksanakan setiap opsyen, manfaat atau keistimewaan yang diberikan melalui peruntukan polisi. Setiap transaksi yang berkaitan dengan polisi adalah antara LIB Malaysia dengan Orang Yang Menerima Perlindungan sahaja.

PROSIDING UNDANG-UNDANG

Tindakan undang-undang atau ekuiti tidak boleh dibawa untuk menuntut ke atas Polisi ini sebelum tamat enam puluh (60) hari selepas bukti kerugian secara bertulis telah difailkan menurut kehendak polisi ini, tidak boleh juga tindakan sedemikian dibawa dalam masa satu (1) tahun dari tamatnya masa yang dikehendaki oleh polisi untuk memberikan bukti kerugian bertulis.

SALAH NYATA DALAM PERMOHONAN

Manfaat tidak boleh dibayar dan polisi hendaklah dianggap boleh batal atas pilihan LIB Malaysia dalam keadaan a) terdapat kegagalan untuk mendedahkan atau terdapat apa-apa salah nyata tentang apa-apa fakta berkenaan dengan Orang Yang Menerima Perlindungan yang merupakan fakta metarial dalam insurans yang disediakan menurut kontrak ini dan dikehendaki diberikan sebagai bukti kebolehinsurans; dan/atau b) dalam semua kes penipuan.

PEMATUHAN PERUNTUKAN POLISI

Kegagalan mematuhi mana-mana peruntukan yang terkandung dalam polisi ini dan Sijil Insurans hendaklah mentaksahkan semua tuntutan di bawah kontrak ini.

FASAL TIMBANGTARA

- a) Mana-mana pertikaian, perselisihan pendapat atau persoalan yang mungkin timbul pada bila-bila masa selepas ini antara LIB Malaysia dengan Orang Yang Menerima Perlindungan dan/atau wakilnya di sisi undang-undang berkenaan dengan pentafsiran sebenar Polisi atau hak atau liabiliti pihak-pihak dalam kontrak ini hendaklah diselesaikan melalui timbangtara.
- b) Timbangtara hendaklah didengar oleh seorang penimbangtara yang dilantik oleh pihak-pihak dalam kontrak ini dalam masa empat belas (14) hari dari bermulanya prosiding timbangtara. Jika tiada persetujuan, penimbangtara hendaklah dilantik menurut dan tertakluk kepada peruntukan Akta Timbangtara Malaysia 2005 atau mana-mana pengubahsuaian statutori atau enakmen semula yang berkuat kuasa kemudian dari ini.

UNDANG-UNDANG PENTADBIR

Polisi ini hendaklah ditafsirkan dan ditadbirkan mengikut Undang-Undang Malaysia dan sebarang peruntukan polisi atas Tarikh Efektif yang bercanggah dengan Undang-Undang Malaysia hendaklah diubah untuk mengikut keperluan minimum undang undang tersebut.

KEPADA SIAPA MANFAAT DIBAYAR

Indemniti untuk semua Manfaat akan dibayar kepada Orang Yang Menerima Perlindungan. Sebarang Indemniti untuk kehilangan nyawa Orang Yang Menerima Perlindungan akan dibayar kepada penama yang dilantik oleh Orang yang Menerima Perlindungan, dan didalam kegagalan penama, akan dibayar kepada estet Orang Yang Menerima Perlindungan. Proses tuntutan termasuk pembayaran akan dikendalikan antara LIB Malaysia dan penama atau estet Orang yang Menerima Perlindungan yang mana pembayaran tunggal akan menjadi pembayaran penuh dan terakhir tuntutan yang dibuat.

PEMBERHENTIAN

Polisi atau perlindungan ini akan diberhentikan secara automatik pada tarikh terawal ini:

- a) apabila polisi ini dibatalkan oleh Orang yang Menerima Perlindungan atau LIB Malaysia mengikut peruntukan klausa Pembatalan di bawah atau
- b) apabila Orang yang Menerima Perlindungan tidak lagi menjadi Ahli Kad Premium yang diisukan oleh Yang Diinsuranskan.

PEMBATALAN

LIB Malaysia boleh membatalkan polisi ini pada bila-bila masa dengan memberikan sekurang-kurangnya tiga puluh (30) hari notis bertulis kepada Orang Yang Menerima Perlindungan, ke alamat terakhir mereka yang diketahui sebagaimana ditunjukkan dalam Jadual Polisi. LIB Malaysia akan terus memberi perlindungan dibawah polisi ini untuk baki tempoh masa yang mana premium sudah dibayar dan polisi akan dianggap terbatal bermula dari tarikh akhir tempoh ini.

Orang Yang Menerima Perlindungan dengan ini mempunyai hak untuk membatalkan Polisi Utama ini dengan memberikan sekurang-kurangnya tiga puluh (30) hari notis bertulis kepada Kumpulan Perkhidmatan Pelanggan, Liberty Insurance Berhad, 10th Floor Menara Liberty, 1008 Jalan Sultan Ismail, 50250 Kuala Lumpur.

PENYERAHAN HAK

Penyerahan hak kepentingan di bawah polisi ini tidak boleh mengikat LIB Malaysia.

KEBENARAN UNTUK MENGGUNAKAN DATA

Dengan menandatangani dan persetujuan mengeluarkan sijil insurans, dengan ini Orang yang Menerima Perlindungan bersetuju mana-mana maklumat peribadi yang dikumpulkan atau dipegang oleh Syarikat (sama ada terkandung dalam permohonan ini atau diperolehi dengan cara lain) diberikan kepada Syarikat dan boleh dipegang, diguna, dan dikemukakan oleh Syarikat kepada individu, badan atau organisasi yang menyediakan perkhidmatan, organisasi yang berkaitan dengan Syarikat atau mana-mana pihak ketiga yang dipilih (dalam atau luar Malaysia, termasuk syarikat-syarikat reinsurans dan penyiasatan tuntutan dan persatuan/perbadanan industri) bagi tujuan memproses permohonan ini dan memberikan perkhidmatan seterusnya untuk produk dan perkhidmatan kewangan yang lain, pemasaran langsung, pemadanan data, dan untuk berkomunikasi dengan saya/kami untuk tujuan seperti itu. Orang yang Menerima Perlindungan berhak memperoleh akses kepada, dan memohon pembedaan apa-apa maklumat peribadi yang dipegang oleh Syarikat berkaitan dengannya dari semasa ke semasa.

HAD GEOGRAFI

Insurans yang diberikan dibawah polisi ini akan tertakluk dimana-mana dalam dunia ini melainkan kalau dikecualikan di sini oleh pindaan turutan atau endorsemn polisi ini.

Semua perkataan yang muncul sebagai jantina lelaki merujuk kepada wanita juga.

Perkataan-perkataan yang membawa maksud tunggal, dimana konteksnya menyetujui, meliputi maksud jamak, dan sebaliknya.

Semua dokumen bertulis yang diisukan atau bakal diisukan kepada Yang Diinsuranskan samada sebahagian atau keseluruhan polisi mesti mendapat kelulusan LIB Malaysia sebelum pelepasan dari Yang diinsuranskan atau Orang yang Menerima Perlindungan, terma dan syarat polisi ini akan mengatasi perjanjian-perjanjian lain dibuat antara Yang Diinsuranskan dan Orang yang Menerima Perlindungan.

Pematuhan dan penunaian terma Polisi ini, terutama yang berkenaan dengan sebarang tindakan dan pemenuhan oleh Yang Diinsuranskan serta Orang yang Menerima Perlindungan adalah syarat pertama kepada liabiliti LIB Malaysia untuk membuat sebarang pembayaran dibawah Polisi ini.

LIB Malaysia tidak akan bertanggungjawab untuk menerima atau dipengaruhi oleh sebarang notis atau amanah, lien, penyerahan hak atau apa-apa urusan lain berkenaan Polisi ini.

Amaun bayaran dibawah polisi ini tidak akan dikenakan faedah dalam apa jua keadaan.